

*Nyšpor na
swjateho
Měrcína*



Kóžde lěto nazymu

1. Kóžde lěto nazymu spěwamy wo jałmožnu. Měrcina my wołamy, wjele zboža přejemy.
2. Romski wojak Měrcin bě, hdyž prošerja wón wuhladny. Płašć swój wulki rozrubny z mječom na dvě połojcy.
3. Dari jednu połojcu njeznatemu bědnemu. Na konjach so smějachu wojacy tom činjenju.
4. Wosnje jemu zjewi so w nocy Bože potaństwo: Jězusa w płašću zdrasćeny, kiž wón bědnom darił bě.
5. Měrcin nět so wukřćić da, slědowaše Jězusa. Skromnje žiwy samotar, spočatk je wón mnichowstwa.
6. Z pokutu a dźiwami swjatu wěru rozšěri. Lud so jemu dowěri, k biskopej joh wuzwoli.
7. Měrcinje, budź z přikładom, daj nam jednać ze skutkom, zo bychmy bědu spóznali a kaž ty tež jednali!

Na Swjateho Měrcína

1. Swjaty Měrcín, swjaty Měrcín, swjaty Měrcín jěcha na konju a kruće dđerži wotežku. Swjaty Měrcín płašč ma wojerski a po boku mječ we nóżni.

2. Swjaty Měrcín, swjaty Měrcín, swjaty Měrcín widži prošerja. Tón nima ani wodžeća. Wšón zwozabjeny we sněze wón zymu mrěje žalostnje.

3. Swjaty Měrcín, swjaty Měrcín, swjaty Měrcín z konjom pozasta a z mječom swój płašč rozrěza. Poł płašća dari prošerjej. To zawěрно bě Jězusej.

4. Swjaty Měrcín, swjaty Měrcín, swjaty Měrcín příklad wšitkim je: Štóz džěli, Chrysta scěhuje. Wšěm chudym, bėdnym pomhajće a Jězu Chrysta slėdujće.



Měrcínje, hej, witaj k nam...

1. Měrcínje, hej, witaj k nam, haleluja!
Ćopły płaśc swój, rozdźěl nam, haleluja!

2. Wojak bě ty horliwy, haleluja!
Swjate Pismo čitał sy, haleluja.

3. Zahorił so za Chrysta, haleluja.
jeho słowo směr cí da, haleluja.


4. Blišeho sy lubował, haleluja.
a tak Chrysta scěhował, haleluja.

5. Po šěsć lětach kubłanja,
haleluja,
křćeńca bu cí darjena,
haleluja.

6. Staršej, wobaj pohanaj,
haleluja.
zadžiwanej hladataj,
haleluja.

7. Ty pak dale rozsudny, haleluja.
kročil sy puć Chrystowy, haleluja.

8. Słužownik ty Boži bě, haleluja.
wšědnje ty so modlił sy, haleluja.



9. Bóh Knjez pačer wusłyša, haleluja.
mačerku tež nakaza, haleluja.
10. W Toursu njebě biskopa, haleluja.
Bóh sej tebje powoła, haleluja.
11. Dobry pastyr w biskopstwje, haleluja.
wodził sy lud we wěrje, haleluja.
12. Dokelž z přikładom ty sy, haleluja.
bu ty swjaty prajeny, haleluja.
13. My sej tebje česćimy, haleluja.
přikład twój sej wažimy, haleluja.

My laternju tu mamy

1. My laternju tu mamy, ju po wsy nosymy.
Swjaty Měrcín, swjaty Měrcín, swjaty
Měrcín, wšitkich woła. Rad' Chrysta
sčěhujmy. Rad' Chrysta sčěhujmy.
2. My pomoc poskićamy, hdžež nuza, běda
je. Swjaty Měrcín, ...
3. My wutroby tom damy, kiž wo nas wšitko
wě. Swjaty Měrcín, ...

Swjaty Měrcin woła


1. Zhotujće sej latarnčki! Swjaty Měrcin woła.
Njeh so kóždy dopomni. Swjaty Měrcin woła.
Tralalalalala, tralalalalala. Swjaty Měrcin woła.
2. Wšitke swěčki zaswěćće. Swjaty Měrcin woła.
Radosć wšudže zbudźujće. Swjaty Měrcin woła.
Tralalalalala, tralalalalala. Swjaty Měrcin woła.
3. Nano, maći njeswartaj! Swjaty Měrcin woła.
Kóžde džěčo sobu dže! Swjaty Měrcin woła.
Tralalalalala, tralalalalala. Swjaty Měrcin woła.

Rajdidldi, rajdidlda

1. Rajdidldi, rajdidlda, swěći moja latarnčka.
Rajdidldi, rajdidlda, ja so wjeselu.
2. Rajdidldi, rajdidlda, hudži naša kapala.
Rajdidldi, rajdidlda, ja so wjeselu.
3. Rajdidldi, rajdidlda, ludžo wšě so wjesela.
Rajdidldi, rajdidlda, ja so wjeselu.
4. Rajdidldi, rajdidlda, wulkotna je zabawa.
Rajdidldi, rajdidlda, ja so wjeselu.
5. Rajdidldi, rajdidlda, swěć ow moja latarnčka.
Rajdidldi, rajdidlda, ja so wjeselu.

Z pohanstva do křesćanstwa

1. Z pohanstva do křesćanstwa, z wojerstwa do měšnistwa. To twój postup krasny je, swjaty Měrcinje.
2. Poł sy plašća prošerjej darił, to bě Jězusej. Tak nam swětlý přikład sy, rjeko miłosće.
3. Za Chrysta sy wojował, złość a hidu pobijał, wuznawarjo pokutny, miły biskopje.
4. Njeh twój přikład nući nas, zo by bratr bratra paš, zo by blud a bědu bił! Pomhaj, Měrcinje.
5. Nutrnje će prosymy zo tež Boha prosyl by, wo strowotu za naš skót, mócny patrónje.
6. Twoja lubosć k blišemu zahor našu wutrobu, zo bychmy všem pomhali, kiž su potřebni.



Próstwy

Modlimy so našemu Knjezej Jězusej
Chrystusej, kotryž je so swjatemu Měrcínej
jako prošer zjewił:

1. Za wšitkich křesćanow: daj zo by Twój
příklad na nas tak skutkował, zo bychmy
jednali, kaž Ty.

Prosomy će wustyš nas.

2. Za wšitkich, kotřiž swoje žiwjenje za
druhich wopruja: mytuj jim, štož za druhich
činja.

Prosomy će wustyš nas.

3. Za tych, kiž hlód tradaja. Wočiń nam woči,
zo bychmy póznali, kak móžemy my jim
pomhać.

Prosomy će wustyš nas.

Božo, Ty žohnuješ naše prócy a dawaš nam
wulkotne příklady swojeje lubosće k nam.
Tebje chwalimy, kiž sy žiwy a kraluješ wěki
na wěki. Amen.